

ጳውሎስ ኤፈሶና አሳው ጳፌዳ ኪታ ገሉዋ

ጳውሎስ ኤፈሶናን ደገፊ አሳው ጳፌዳ ኪታን ኡባባፕ አሊደ እ ጳፌዳዊ፡ “ጳሳ ቆፋ ኡሱዋን ፔሻናዌ ሳሉዋን ሳኑን ደገፊባይ ኡባይ እትፕ ሺቂደ፡ እት ክርስቶሳ ማታ ጋርሳን እቅያ ዋዲ ጋካና” ያግያ ቆፋ (1:10)። ሄዋ ቦላንካ ጉጃይ የሱስ ክርስቶሳና እትፕ ግዲደ፡ አሳ ዛርያ ኡባይ እቱዋ ግዳና ማላ፡ ሀ ዋልቃማ ቆፋ ኡሱዋን ፔሻናዳን ጳሳ አሳ ሀሳይሴ።

ኤፈሶና ኪታይ ኮይሮ ሳን ጳፊ እትፕተላዋ ጳፋናዉ ደሜዳዋ አሲደ፡ ጳሳይ አዉ ባረ አሳ ዋት ደራይንቶ፡ ኡንቱንቱካ አ ናኦ፡ የሱስ ክርስቶሳን ባረንቱ ናጋራፕ ማረቲደ፡ ዋን ላእ ከሴደንቶን ጳሳ ዋልቃማ ህደታ ቃላይ ጌሻ አያና ባጋና ዋት ኤረቲደንቶ ኦዴ። ላኤንሐያ ሻኩዋን ቃይ ጳፊ ሀ ኪታ ናባብያዋንቱ ባረንቱ እትፕተላ ደኡዋን ክርስቶሳን ኡንቱንቶ ደገፊ እትፕተላይ ቱማ ግዳና ማላ ኡንቱንቱ ዋኒደ ደአናዉ በሰንቶ ቆፍሴ።

አሳይ ክርስቶሳን ደገፊ እትፕተላን ዋኒደ ደአናዉ ዳንዳይንቶ ዲማ ዲማ ሂላ ሃሳያን ቆንጩዳ። አማንያ አሳይ እት አሳተላ ሌምሱዋ ግድያ ዋደ፡ ክርስቶስ ሄ አሳተላዉ ሁጲያ ግዴ። አማንያ አሳይ ግምቢያ ጎልያን ሌምሰትያ ዋደ፡ ክርስቶስ ሄ ግምቢያ ጎላዉ ጎዳ ጳጲዋ ምንሰያ ዋና ሹቻ ግዴ። አማንያ አሳይ ማቶያዳን ሌምሰትያ ዋደ፡ ክርስቶስ አሰናዳን ግዴ። ጳፍያዌ ክርስቶሳ ባጋና ቆንጩዳ ጳሳ አጶ ኬካተላ ዳሮ ጶቂስ ናሽ ሃሳዪደ፡ ጩማቲዳ ቆፋ ሺሺ። እ ኡባባካ ክርስቶሳ ሲቁዋን፡ እ ያርሸቶዋን፡ አ ማሮተላን፡ አ አጶ ኬካተላን፤ አ ሳርተላ ባጋና ጴሌ።

ሸምፓቱዋ ኡባቶ እመቴዳ ቃንላ ቆፋቱዋ

- ገሉዋ 1:1-2
- ክርስቶሳን አማንያ አሳ 1:3—3:21
- ክርስቶሳን ቤትያ ኦራላ ደኡዋ 4:1—6:20
- ዉርሰላ ቁትያ 6:21-24

1 ታን ጸሳ ሸንያን ክርስቶስ የሱስ ኪቴዳ ጳውሎስ፣ ኤፌሶናን ደእያ ጸሳ ናናዉ ቃይ ክርስቶሳ የሱሳዉ አማነቲደ ደእያዋንቶ ሀ ዲብዲቢያ ጸፋይ።

2 ጸሳ ኑ አዉዋጥነ ጎዳ የሱስ ክርስቶሳጥ አቶ ኬካተላይነ ሳርተላይ ሀንተንቶ ግድ።

ክርስቶሳጥ ቤትያ እያና እንጂዋ

3 እያና እንጂዋ ኡባን ክርስቶሳ ባጋና ቦላ ሳሉዋን ኑና እንጂዳ ጸሳ፣ ኑ ጎዳ የሱስ ክርስቶሳ አዉዋ፣ ኑን ጋላቲቶ።

4 ኑን አ ሰንላን ጌሻቱዋነ ፖኩ ባይናዋንታ ግዳና ማላ፣ ጸሳይ ኑና ሳአይ መጋታናጥ ካስ፣ ክርስቶሳ ባጋና ባረ ሲቁዋን ደሬዳ።

5 ጸሳይ ባረ ሸንያን ባረ ደሴዳዋዳን፣ የሱስ ክርስቶሳ ባጋና ኑና ባረ ናናቱዋ ኦላናዉ ካስቲደ ቆፕ ዋሴዳ።

6 ጸሳይ ባረ ሲቅያ ናአ ባጋና ኑዉ ጮ እማዳ አቶ ኬካተላ ቦንቹዋ ድራዉ፣ ኑጥ ጋላታ አካናዉ ሄዋ አሴዳ።

7 ኑን ጸሳ አቶ ኬካተላ ዳራዋዳን፣ ክርስቶሳ ሱላን ዋዘቲደ፤ ሄዋን ጸሳይ ኑ ናጋራ አቶ ጌዳ።

8 ጸሳይ ባረ አቆዳ ኤራተላ ኡባንነ ባረ ዋዛና ቆፋ ኡባን ባረ አቶ ኬካተላ ኑዉ ዳርሲደ እማዳ።

9 እያዉ ጎጥ፣ ጸሳይ ባረ ቆፕዳዋ አሴዳ፤ ቃይ ክርስቶሳ ባጋና ፖላናዉ ቆፕ ዋሴዳ ጸራ የዉዋ ኑና ኤርሴዳ።

10 ጸሳይ ዋድያ ዉርሰላይ ጋክያ ዋደ ፖላናዉ ቆፕዳ ቆፋይ ክርስቶሳ ዋና አሴዳ፣ ሳሉዋንነ ሳአን ደእያ መጋታ ኡባ እትጥ አን ሸሻናዋ።

11 ኡባባይ ጸሳ ቆፋዳንነ እ ጌዳዋዳን ሀኔዳ፤ ጸሳይ ካስቲደ ቆፕ ዋሴዳዋዳን፣ ክርስቶሳ ባጋና ኑን አዋንታ ግዳናዳን፣ ኑና ደሬዳ።

12 ኑን ካስቲደ፣ ክርስቶሳ ባጋና አካና ጌደ ናሸቻን ናግያዋንቱ፣ ጸሳ ቦንቹዋ ጋላቲቶ።

13 ሀንተዉካ ቃይ ሄዋዳን ሀኔዳ፤ ቱሙ ኪታ፣ ሀንተንቶ አቶተላ አሄዳ ሞሽራቹዋ ቃላ፣ ሀንተ ሰሴዳ ዋደ ክርስቶሳ አማኔድታ፤ ጸሳይ ሀንተንቶ እማና ጌዳ ጌሻ እያና ባጋና፣ ሀንተ አዋ ግድያዋ ኤርሰያ ማታፋ ሀንተ ቦላ ዋሴዳ።

14 ጸሳይ ባረ አሳዉ እማና ጌዳዋ ኑን ላታና ጋካናዉ፣ ጌሻ እያና ዋስተላ ኦይቄድ። ሄዋ ቃይ አ ቦንቹ፣ ጋላታ ግዳናዋ።

ጳውሎስ ኤፌሶና አሳዉ ዋሴዳ

15 ሄዋ ድራው፣ ጎዳ የሱሳ ህንተ አማንያዋን ጌሻቱዋ ኡባ ህንተ ሲቅያዋ ታን ሰሶደፕ ደማደ።

16 ህንተንቶ ጸሳ ጋላትያዋ አጋበይከ፤ ጸሳ ዋሳደ ህንተዉካ ዋሳይ።

17 ቃይ ጎዳ የሱሰ ክርስቶሳ ጸሳይ፣ ቦንቹዋ አዉ፣ ጸሳ ህንተ ኤራናዳን፣ ህንተና አጼዳ ኤራንቻ ኦሳያ ቃይ ጸሳ ህንተንቶ ቆንጭሰያ ጌሻ አያና ህንተንቶ እማናዳን፣ ታን ዋሳይ።

18 ጸሳይ ህንተ አካና ጊደ፣ ናሽቻን ናግ ኡቲዳዎ ህንተና ጸሴዳዋን እ ባረ አሳዉ እማና ግያ አንጂ አይ ኬና ዲረንቶ ህንተ ኤራናዳን፣ ጸሳይ ህንተ ዋዛና ደይና፣ እ ፖኡዋ ህንተ በአናዳን፣ ታን ጸሳ ዋሳይ።

19-20 ቃይ አ አማንያ ኑናን አ ዋልቃይ ሎይላ ኦሌ። ሀ ኑናን ደእያ ዋልቃይን ሀይቁዋፕ ክርስቶሳ ደንሐደ፣ ሳሉዋ ሳኣን ጸሳፕ ኡሸቻ ባጋና * ኡትሴዳ ዋልቃማ ዋልቃይ እቱዋ።

21 ክርስቶስ ሳሉዋ ሱንሳቱዋፕ፣ ጎዳተሳይ ደእያዋንቱፕ፣ ዋልቃማቱዋፕን ጎዳቱዋ ኡባፕ ቦላ ግዲደ ሞዴ፤ እ ሀእ ደእያ የለታ ጸላላን ግደናን፣ ሰንሳፕ ያና የለታንካ ሀራ ሱንሳተሳ ኡባፕ ጶቄ።

22 ጸሳይ ኡባባ ክርስቶሳ ገድያፕ ጋርሳን ሞድሲደ፣ ቃይ ጸሳይ እ ኡባባን ኡባፕ ቦላና ጎዳ ግደናዳን፣ ዋሳ ጎለዉ እ እጫዳ።

23 ዋሳ ጎሊ ክርስቶሳ አሳተሳ፤ ዋሳ ጎሊ ክርስቶስ ኡባ ሳን ኡባባ ኩንሳያ እ ፖሉዋ።

2

ክርስቶሳን ሀይቁዋፕ ደኦ ፕንያዋ

1 ህንተ አዛዘተናን እጼዳ ድራዉን ህንተ ናጋራ ድራዉ፣ ካሰ ዋድያን አያና ሀይቁዋ ሀይቁድታ።

2 ሄ ዋደ ህንተ ሀ አላምያ የለታ ኢታ ኦግያ ሀመቲድታ፤ ጫርኩዋ ግደን ደእያ ዋልቃማ አያናቱዋ ካፖ ቃይ ጸሳዉ አዛዘተና አሳ ሀእ ሞድያ አያናዉ አዛዘቲድታ።

3 ኑንካ ቃይ ኡባይ ሄ አሳ ማላ፤ ቃይ ኑን ኑ አሹዋ አሙዋዳን ደኤዶ፤ ኑ አሹኑ ኑ ዋዛናይ ኮዬዳዋ ኦሌዶ። ኑንካ ሀራቱዋዳን፣ ኑ መጠታን ጸሳ ሀንቁዋ አካናዉ ደኤቶ።

4 ሽን ጸሳ ማርተሳይ ዳራ ግድያ ድራዉ፣ ባረ ሲቁዋ ዳሩዋዳን፣

* 1:19-20 ኡሸቻ ባጋ፡- ዋልቃን ቦንቹዋ ሳኣ። 1:19-20 ማዝ. 110:1 1:22 ማዝ. 8:6 1:22 ቆል. 1:18

5 ኑን አዉ አዛዘተናን እጸደ፡ ሀራይ አቶ አያናን ሀይቁዳዋንታ ግድናካ፡ እ ክርሰቶሳና ኑዉ ደኡዋ እሜዳ። ጸሳ አጶ ኬካተላን ሀንተ አቴድታ።

6 ኑን ክርሰቶሰ የሱሳና ሳሉዋን ሳኣን ሞዳናዳን፡ ጸሳይ ኑና አናና እትፕ ሀይቁዋፕ ደንጮዳ።

7 እ ሰንጻፕ ያና ዎድያን፡ ኑዉ ክርሰቶሰ የሱሳን ደእያ ኬካተላን፡ ኡባፕ አድያ ባረ አጶ ኬካተላ ጶቃተላ በሳናዉ ሄዎ ኦጮዳ።

8 አያዉ ሳፕ፡ ሀንተ ጸሳ አጶ ኬካተላን፡ አማኑዋን አቴድታ፤ ሀዌ ጸሳ እሙዋፕ አትን፡ ሀንተ ኦሱዋና ግድና።

9 ሀንተ ዳቡራን ቤትቤና ድራዉ፡ ሀንተ ጨቀትያባይ አያይነ ባዋ።

10 አያዉ ሳፕ፡ ኑን ጸሳ መ□ታ፤ እ ኑዉ ካሰቲደ ጊግሰ ዎጮዳ ሎኦ ኦሱዋ ኑን ኦሳናዳን፡ ክርሰቶሰ የሱሳ ባጋና ኑና መጴዳ።

ክርሰቶሳን ቤትያ እትፕተላ

11 ሄዎ ድራዉ፡ ሀንተኖ ዛርያን አይሁዳ ግድና አሳቶ፡ ባረንቱ አሳተላ ቦላ ኩሽያን ኦስቴዳዋን፡ ባረና ቃጸረቴዳዋንታ ግያ አይሁዳቱ፡ ቃጸረትቤናዋንታ ጊደ ጴሰያዋንቶ፡ ሀንተ ካሰ ኦንንቶ አኬክተ።

12 ሄ ዎደ ሀንተ ክርሰቶሳፕ ሻከቴድታ፤ እማላ ግዲደ፡ እሰራኤልያ አሳፕ ሃኪደ ደኤድታ፤ ጸሳይ ባረ አሳዉ እማና ጊደ ጫቄዳ ጫቄዋፕ አይነ ደምበይክታ፤ ሀ ሳኦ ቦላ ሀንተ ደማና ጊደ፡ ናሽቻን ናግ ኡቴዳዋ ደመናንነ ቃይ ጸሳይ ባይናን ደኤድታ።

13 ሸን ሀንተ ካሰ ሃኪደ ደእያዋንቱ ሀእ ክርሰቶሳ የሱሳና ደኢደ፡ ክርሰቶሳ ሀይቁዋን ማታ ሺቄድታ።

14 አያዉ ሳፕ፡ ክርሰቶሰ አይሁዳ አሳነ አይሁዳ ግድና አሳ እቱዋ ኦጲደ፡ ኑዉ ሳሮተላ አሄዳ። ኡንቱንቱ ላኡዋ ሻኪደ፡ ሞርከ ኦሎ ዎጮዳ ሞርከተላ ጎዳ ባረ አሳተላን ኮል የጌዳ።

15 እ ባረ ሁጳዉ ሀ ላኡ ዛራቴዋፕ እት ኦራላ አሳ መጳደ ሳሮተላ ዎላናዉ፡ አይሁዳ አሳቱዋ ሀግያ አ አዛዛቱዋን ዎጋቱዋና እትፕ ጳይሴዳ።

16 ክርሰቶሰ ማሰቃልያ ቦላ ሞሰማርያን ድሸቲደ ሀይቁዳ ባረ ሀይቁዋን ሞርከተላ ጳይሴዳ፤ ቃይ ማሰቃልያ ባጋና ላኡ ዛራቴዋካ እት አሳ ኦሎ ሰገሊደ፡ ጸሳኮ አሄዳ።

17 ክርስቶስ ዩደ፣ ጸሳፕ ሃኪደ ደእያ ህንተንቶ አይሁዳ ግደናዋንቶነ፣ አ ማታን ደእያ አይሁዳቶ ኡባው፣ ሞሽራቸዋ ቃላ ሳሮተላ ኦዴዳ።

18 አያው ጎፕ፣ ኑን ኡባይ፣ አይሁዳቱካ አይሁዳ ግደናዋንቱካ፣ እት ጌሻ አያናን ክርስቶሳ ባጋና አዉዋ ሰንላ ሺቃናዉ ዳንዳዬቶ።

19 ሰሞ ህንተ አይሁዳ ግደና አሳቱ ሀዋፕ ሰንላዉ አላጋ ዎይ እማላ ግድክታ፤ ሀእ ህንተነ ጌሻቱ እት ቢታ አሳ፤ ቃይ ጸሳዉ ህንተ ሶይ አሳ።

20 የሱስ ኪቴዳዋንቱነ ትምቢትያ ኦድያዋንቱ ባሴዳ ባሱዋ ቦላ ህንተካ ኬጸቴድታ፤ ጎዳ ጸጹዋ ምንሰያ ዋና ሹታይ ክርስቶስ የሱሳ።

21 እ ጎልያ ኡባ እትፕ ሺሽ ኦይቂደ፣ ጸሳ ባጋና ጌሻ፣ ጸሳ ጌሻ ጎላ ግዳና ማላ ድቹ።

22 ህንተ ቃይ ጸሳይ ባረ አያናን ደእያ ጎልያ ግዳናዉ፣ ሀራቱዋ ኡባና እትፕ ክርስቶሳን ኬጸቲታ።

3

ጳውሎስ እማነና አሳዉ ኦሴዳ ኦሱዋ

1 ሃዋ ድራዉ፣ ህንተኖ አይሁዳ ግደና አሳቶ፣ ታን ጳውሎስ ህንተ ድራዉ ክርስቶስ የሱሳ ቃሾ አሳ ግዴዳዌ፣ ጸሳ ዎሳይ።

2 ጸሳይ ባረ አጶ ኬካተላን፣ ታን ህንተና ማዳናዳን፣ ሀ ኦሱዋ ታዉ እሜዳዋ ህንተ ሎይሳ ሰሴድታ።

3 ጸሳይ ባረ ጹራ ቆፋ ታዉ ቆንጭሲደ፣ ታና ኤርሴዳ፤ ታን ሃዋ ቃንላን ጸፋድ።

4 ቃይ ታን ጸፌዳዋ ህንተ ናባብያ ዎደ፣ ክርስቶሳ ጹራ ታን ዎታ እኬካድታንቶነ ኤራናዉ ዳንዳዪታ።

5 በን ዎደ አሳይ ሄ ጹራ የዉዋ ሰሰቤና፤ ሽን ጸሳይ ሃዋ የሱስ ኪቴዳ ጸሳ ናናቶነ ትምቢትያ ኦድያዋንቶ፣ ጌሻ አያናን ሀእ ቆንጭሴዳ።

6 ጹራ የዉ ሀዋ፤ አይሁዳ ግደና አሳይ ዎንጋላ ባጋና፣ ጸሳ እንጂዋ አይሁዳቱዋና እትፕ ላቲኖ፤ ኡንቱንቱ እት አሳተላን ሻከተናን ደእኖ፤ ቃይ ክርስቶስ የሱሳ ባጋና ጸሳይ እማና ጌዳዋ አይሁዳቱዋና ሻኪኖ።

7 ጸሳይ ባረ ኦሱዋ ዎልቃ ባጋና ታዉ እሜዳ አጶ ኬካተላን ታን ሀ ዎንጋላዉ ቆማ ግዳድ።

8 ታን ጌሻቱዋ ኡባ ግድን ላፍያዋ ግድገካ፣ አይሁዳ ግድና አሳው ዛዋይ ባይና ክርስቶስ ዱረተላ ሞሽራቹዋ ቃላ ኦድያ ሀ ካጫ ደሳይ ታው እሜዳ።

9-10 ቃይ ታን ሄዋን ጸሳ ጹራ ቆፋ አሳ ኡባው ቆንጭሳ ኦዳና፤ ኡባባ መጺዳ ደሳይ ባረ ጹራ የውዋ በን ዋደ ገንሰ ዋሴዳ። ደሳይ ሀእ ሄዋ ዋሳ ጎልያ ባጋና ሳሉዋ ሳኣን ደእያ ካፓቶን ጎዳተላይ ደእያዋንቶ ዛዋይ ባይና ባረ እጺዳ ኤራተላ ቆንጭሳናው ኦሴዳ።

11 ደሳይ ሄዋ ኑ ጎዳ ክርስቶስ የሱሳ ባጋና እ ፖሌዳ ባረ መጵና ቆፋዳን ኦሴዳ።

12 ኑን ክርስቶስ የሱሳና እትጥ ግዲደ፣ አ አማንያ አማኑዋን አማኑቲደ፣ አይነ ያየናን ጸሳ ሰንላ ሺቃናው ዳንዳዬቶ።

13 ሄዋ ድራው፣ ታን ሀንተዋን መቶትያዋን ሀንተ ሀርገና ማላ፣ ሀንተና ዋሳይ፤ እያው ጎጥ፣ ታን ሀንተ ቦንቾ መቶታይ።

ክርስቶስ ሲቁዋ

14-15 ሄዋ ድራው፣ ታን ሳሉዋን ሳኣን ደእያ አማንያ ጎልያ አሳይ ኡባይ አጥ ዬዳ * ደሳ ሰንላን ጉልባታይ።

16-17 ደሳይ ባረ ቦንቹዋ ዳሩዋዳን፣ ባረ ጌሻ እያናን፣ ሀንተንቶ ሀንተ ጋርሳ አሳተላን ሀንተ ሞንያ ዋልቃ እማናዳን፣ ቃይ አማኑዋ ባጋና ክርስቶስ ሀንተ ዋዛና ባረ ጎልያ መቆናዳን፣ ታን ደሳ ዋሳይ፤ ቃይካ ሀንተ ጸጹዋ የዲደ፣ ቶከቲደ ሲቁዋን ሞናናዳን፣ ደሳ ዋሳይ።

18 ቃይ ጌሻቱዋ ኡባና ክርስቶስ ሲቁ አይ ኬና አከንቶ፣ አዲሰንቶ፣ ቶቀንቶን ጨመንቶ † ኤርያ ዋልቃ ሀንተንቱ ደማናዳን፣ ታን ደሳ ዋሳይ።

19 ኤራተላጥ እጵያ ክርስቶስ ሲቁዋ ሀንተ ኤራናዳን ቃይ ደሳዋ ግድያ ኡባባን ሀንተ ፖል ኩማናዳን፣ ታን ደሳ ዋሳይ።

20-21 ሰሞ ኑ ግድን ኦሳያ ባረ ዋልቃ ባጋና ኑን ዋሰያዋ ዋይ ቆጥያዋ ኡባጥ ሎይሰ ዳርስ ኦላናው ዳንዳይያ ደሳው፣ ዋሳ ጎልያን ክርስቶስ የሱሳን ኡባ ዋደ መጵናጥ መጵና ጋካናው ቦንቹ ግድ። አመንእ።

4

ቦላ እትጥተላ

* 3:14-15 አጥ ዬዳ፡- አጥ ደንዶዋን፣ እቱዋ እቱዋ ሀጲያን ሀጲያን ኤርያዋ።
† 3:18 አከንቶ፣ አዲሰንቶ፣ ቶቀንቶን ጨመንቶ፡- ሀዌ በሰያዌ ሳሉዋን ደእያ የሩሳላዋ ዋይ ደሳ ሲቁዋ ዋይ ደሳ አዶ ኤራ ዋይ የሱሳ ማስቃልያው ደእያ ብለላ።

1 ሄዋ ድራው፡ ታን ጎዳው ኦሎስ ድራው ቃሽቲዳዌ ጸሳይ ህንተና ጸሴዳ ጸሳው በሰያ ደኡዋ ህንተ ደኡናዳን፡ ታን ህንተና ዋሳይ።

2 ኡባ ዋደ ህንተ ህንተ ሁጲያ ካወሸያዋንታ፡ እሽከቱዋን ዳንዳያንቻቱዋ ግድተ፤ እቱ እቱዋ ማድያዋን ህንተ ሲቁዋ በሰተ።

3 ህንተና እትፕ ጋሐ ቃቶያ ሳርተላን፡ ጌሻ አያናይ ህንተንቶ እምያ እትፕተላ ናጋናዉ ሞንተ።

4 ጸሳይ ህንተና ጸሴዳ ህደታይ፡ ህንተ ደማና ጊደ ናግ ኡቲዳዌ መጽ እቱዋ ግደዋዳን፡ እት አሳተላይነ እት ጌሻ አያናይ ደኤ።

5 እት ጎዳይ፡ እት አማኑነ እት ጽንቃታይ ደኤ።

6 ኡባ ጎዳይ፡ ኡባ ባጋና ኦሎስዌ፡ ኡባ ግደን ደእያዌ፡ እት ጸሳይ፡ ኡባ አዉ ደኤ።

7 ሽን ክርስቶስ እሜዳ እሙዋዳን፡ ኑን ሁጲያን ሁጲያን ዴማ እሙዋ እኬደ።

8 ሄዋ ድራው፡ ጸሳ ማጻፋይ፡

“እ ፑደ ጶቃሳ ከሴዳ ዋደ፡
እምደቲዳዋንታ አፌዳ፤
አሳዉካ እምታ እሜዳ”

ያጌ።

9 ያትና፡ “ፑደ ከሴዳ” ግያዌ ዋግያዌ? እ ኮይር ዱገ ዋጴዳ፤ ሄዌ ሳእዉ ህርክ ዉርስላሳ ዋጴዳ ግያዋ።

10 ሀ ዱገ ዋጴዳዌ ባረ ሁጲዉ አ፤ ሄ እ ኡባባ ኩማናዳን፡ ሳሉዋ ኡባፕ ጶቂያሳ ፑደ ከሴዳ።

11 አሳዉ እምታ እሜዳዌ አ፤ እ እቱዋ እቱዋ የሱስ ኪቲዳዋንታ፡ ሀራቱዋ ትምቢትያ ኦድያዋንታ፡ ቃይ ሀራቱዋ ሞሽራቹዋ ቃላ ኦድያዋንታ፡ ቃይካ ሀራቱዋ ዋሳ ጎልያ ካለልያዋንታን ታማርሰያዋንታ ኦሎ ሱንሌዳ።

12 እ ሄዋ ጌሻቱ ኡባይ አማንያ አሳ ኦሱዋ ኦላናዳንነ ክርስቶሳ ቦላን ኬጸታናዳን ጊገሳናዉ ኦሌዳ።

13 ቃይ ኑን ኡባይ ጸሳ ናእ አማንናነ ኤርና ቤትያ እትፕተላኮ ጋካና፤ ኑን ክርስቶሳ ፖሎ ድቻ ኬና ድጨደ፡ ደንዛ አሳ ግዳናዳና።

14 ኑን ቤታን ያነ ሃነ ሾጨቲደ፡ ባረንቱ ጭምያ ሀናታን አሳ ባላ ኦግያ ካለልያ ገንያ አሳ ትምርትያ ጫርኩዋ ኡባን ሱገቲደ፡ ሀዋፕ ሰንላዉ ናእ ግዳናዉ በሰና።

15 ሸን ኑን ሲቆተላን ቱሙዋ ሃሳዬደ፤ ሁጸ ግድያ ክርስቶሳኮ ኡባባን ድጫናዉ በሴ።

16 ቦላ ግድን ደእያ ዲማ ዲማ ሻኮታይ ኣን እትጥ ኣይቀቴድኖ፤ ቃይ ኩሙንላ ቦላይ ባረዉ እመቴዳሳ ኡባን እቱ እቱዋና ጋከቲደ፤ እትጥ ኣይቀት ኡቴዳ፤ ሄ ዲማ ዲማ ሻኮታይ ኣላናዉ በሰያዋ ኣልያ ዋደ፤ ኩሙንላ ቦላይ ሲቁዋን ድጨኑ ባረና ኬጼ።

ክርስቶሳን ቤትያ ኦራላ ደኡዋ

17 ሄዋ ድራዉ፤ ታን ሀዋ ህንተንቶ ጎዳ ሱንላን ኦዳይነ ማርካታይ። ህንተ ጎእ ባይና ቆፋ ቆጥያ ኣይሁዳ ግደና ኣሳቱዋዲን ደእጥተ።

18 ኡንቱንቱ ዋዛናይ ቋማን ደኤ፤ ኡንቱንቱ ኣይነ ኤረናዋንታን ኣዛዘተና ድራዉ፤ ጸሳይ እምያ ደኡዋጥ ሃኬድኖ።

19 ኡንቱንቱ ማታን ዩላ ግያዌ ባዋ፤ ኡንቱንቱ ዋሹማዉ ካጄላናዉ ባረንቱ ሁጲያ ኣል እሚኖ፤ ቃይ ቱናባ ኡባ ፓጭ ባይናን ኣላናዉ ሎይል ዮራትያዋንታ።

20 ሸን ህንተ ክርስቶሳዋ ሄዋዲን ታማርበይክታ።

21 ኣባ ቱሙ ሰሴድታ፤ ቃይ ቱማተላይካ ዮሱሳን ደእያዋ፡ ኣጥ ታማራድታ።

22 ህንተ ካሰ ደእያ ደኡዋ ኣግተ፤ ቃይ ባረ ጭምያ ኣሙዋን ጳይያ ህንተ ኤጫ ኣሳተላ ጳይሰተ።

23 ህንተ ዋዛናይነ ቆፋይ ኡባና ኦራጻናዉ በሴ።

24 ቱሙ ጽሎተላንን ጌሻተላን ጸሳ ሌምሱዋን መጠቴዳ ኦራላ ኣሳተላ ማይተ።

25 ሰም ዋርዶቶጥተ። ኑን ኡባይ ክርስቶሳ ኣሳተላን እት ኣሳ ግድያ ድራዉ፤ ኣሳይ ኡባይ ባረ እሻዉ ቱሙዋ ሃሳያናዉ በሴ።

26 ህንቀትተ፤ ሸን ህንተ ህንቁዋን ናጋራ ኣላጥተ። ህንተ ህንቁዋን ደእሸን፤ ኣዋይ ዉሎፖ።

27 ጸላሂዉ ጸእያ እሞጥተ።

28 ዉእያ ኡራይ ሀዋጥ ሰንላዉ ዉኣፖ፤ ሸን ሄዋ ኣጊደ፤ ህዩሳቱዋ ማዳናዉ፤ ባረ ኩሸያን ሎኦባ ኣሊደ ዳቡር።

29 ህንተ ሃሳያይ ሰሰያዋንታ ጎኣና ማላ፤ ኮሸያዋዲን መንጠልያ ሎኦ ቃላይ ህንተ ደናጥ ከሶጥ ኣትን፤ ኢታ ቃላይ ሙላካ ከሶፖ።

30 ጸሳይ ህንተና ዋዝያ ጋላሳዉ ህንተ ኣታመት ኡቴዳ ጸሳ ጌሻ ኣያና ካዮዮጥተ።

31 እጽያ ሀኖታ፣ ይሉዋ፣ ሀንቁዋ፣ ዋሱዋን ጫሻ ኡባ ኢታተላ ኡባና ሀንተፕ ጳይሰተ።

32 እቱ እቶ ኬክተነ ቃረትተ፤ ቃይ ጸሳይ ክርሰቶሳ ባጋና ሀንተንቶ አቶ ጌዳዋዳን፣ ሀንተካ እቱ እቱዋ አቶ ጌተ።

5

ፖኡዋን ደእተ

1 ስም ጸሳይ ሲቅያ ናናቱዋዳን፣ አ ማላትተ።

2 ቃይ ክርሰቶሰ ኑና ሲቂደ፣ ባረ ሁጲያ ጸሳዉ ናሽቶያ ያርሹዋዳን እሞታ አሊደ እሚዳዋዳን፣ ሀንተካ ሲቁዋን ደእናዉ በሴ።

3 ሸን ጸሳ ናናዉ በሰያዋዳን፣ ሀንተ ግደን ዋሹምያዌነ ቱናተላ ኡባይ፣ ዋይ ሚሻ አሞትያዌ ሙለካ ሰሰቶ።

4 ዬላይያዌነ ኤያ ሃሳያይ ዋይ ፓፍ ንቅጲ ሀንተንቶ በሰናዋ ግድያ ድራዉ፣ ሀንተ ማታን ኡባካ ደኦ። ሀንተ ሄዋ ኡባ አጊደ፣ ጸሳ ጋላታናዉ በሴ።

5 ሀዋ ኤርተ፤ ኦንነ ዋሹምያዋ ዋይ ቱናባ ኦልያዋ፣ ዋይ ሚሻ አሞትያዋ ግደፕ፣ ክርሰቶሳ ካዉተላነ ጸሳ ካዉተላ ላታናዉ ዳንዳየና፤ ሚሻ አሞትያዌ ኤቃዉ ጎይንያዋፕ ዳማተና።

6 ሀንተና ኦንነ ፓፍ ሃሳያን ጭሞፕ፤ አያዉ ጎፕ፣ ሀዋ ጋሱዋን ጸሳ ሀንቁ አዛዘተና አሳ ቦላ ያና።

7 ስም ሄዋ ማላ አሳና ዙፕቶፕተ።

8 አያዉ ጎፕ፣ ካሰ ሀንተ ጳማን ደኤድታ፤ ሸን ጎዳ ባጋና ሀእ ፖኡዋን ደኢታ፤ ፖኡዋን ደእያ አሳዳን ፖኡዋን ሀመትተ።

9 አያዉ ጎፕ፣ ፖኡ ሎኦተላ፣ ጽሎተላነ ቱማተላ ኡባ አይፌ።

10 ጎዳ ናሽቶያባይ አየንቶ ታማርተ።

11 ጎእ ባይና ጳማ ኦሱዋ ቆንጭሰ በሰተፕ አትን አናና ዋላክቶፕተ።

12 ኡንቱንቱ ጌማን ኦልያዌ ሀራይ አቶ ሃሳይያዌካ ፖኬ።

13 ሸን ኡባባይ ፖኡዋ ከሰያ ዋደ፣ ቆንጭያን ቤታና፤ አያዉ ጎፕ፣ ቆንጭያን ቤትያ ኡባባይ ፖኡዋ።

14 ሄዋ ድራዉ፣

“ገሞእሽያዋ፣ ቤጎታ፤
ሀይቁዋፕካ ደንዳ፤
ክርሰቶሰ ነዉ ፖእሳናዋ”

ያጌ።*

15 ሰም ህንተ ዋን ደእንቶ አኬክተ፤ አዴዳ ኤራተፋና ደእያ አሳዳን ደእተፕ አትን። አዴዳ ኤራተፋይ ባይና አሳዳን ደእተፕ።

16 ዎዲ ኢታ ግድያ ድራው። ህንተ ዎድያ ህንተው ዳንዳየቶዎዳን ሎኦተፋው ጎኤትተ።

17 ሄዎ ድራው። ጎዳይ ኮይያዌ አየንቶ አኬክተፕ አትን። ኤያ ግድፕተ።

18 ቃይ ህንተናን ጌሻ አያናይ ቃንጸናን ኩሞፕ አትን። ህንተና ባይዝያ ዎይንያ ግያ ኤሳ ኡሺደ ማሞቶፕተ።

19 ማዝሙርያ የፋን፣ ጋላቲደ የጽያዎንን አያና የፋን እቱ እቱዋና ሃሳይተ፤ ቃይ ጋላትያ የፋንን ማዝሙርያ የጽያዎን ህንተ ዎዛናን ጎዳ ጋላቲደ የጽተ።

20 ኑ ጎዳ የሱሰ ክርሰቶሳ ሱንፋን፣ አወዋ ጸሳ ኡባባወ ኡባ ዎደ ጋላትተ።

አሰናባነ ማቻትባ

21 ክርሰቶሳው ያዪደ፣ እቱ እቶ ሞደትተ።

22 ማቼቶ፣ ጎዳው ሞደትያዎዳን፣ ህንተ አሰናወ ሞደትተ።

23 አያው ጎፕ፣ ክርሰቶሰ ዎሳ ጎለው ሁጰ ግድያዎዳን፣ አሰናይካ ባረ ማቻትው ሁጰ፤ ቃይ ክርሰቶሰ ባረ ሁጰያን፣ ባረ ቦላ ግድያ ዎሳ ጎልያ አሽያዎ።

24 ሸን ዎሳ ጎሊ ክርሰቶሳው ሞደትያዎዳን፣ ማቼቱ ቃይ ባረንቱ አሰናወ ኡባባን ሞደታናወ በሴ።

25 አሰናቶ፣ ክርሰቶሰ ዎሳ ጎልያ ሲቂደ፣ ባረ ሁጰያ እዘው እሜዳዎዳን፣ ህንተካ ህንተ ማቻቱዎ ሲቅተ።

26 እ ዎሳ ጎልያ ባረ ቃላንን ሃፋን ሜጭ ጌሺደ፣ ጸሳው ዲማያናወ ሀዎ ኦጼዳ።

27 ክርሰቶሰ ዎሳ ጎልያ ቅታይ ዎይ ዴሙዎ ጭጵሰያዌ ዎይ ሄዎ ማላትያዌ ባይናን፣ አ ኩሙንፋ ቦንቹዋና ጌሻን ቦረተናዎ ኦሊደ፣ ባረ ሁጰው ሸሻናወ ኮዬዳ።

28 ሰም ቃይ አሰናይ ባረ ማቻቶ ባረ ቦላዳን ሲቃናወ በሴ፤ ባረ ማቻቶ ሲቅያዌ ባረና ሲቄ።

29 አያው ጎፕ፣ ባረ ቦላ እጽያ አሳይ ሙለካ ባዎ፤ ሸን ክርሰቶሰ ዎሳ ጎልያ ሙዝያዎዳንን ናግያዎዳን ኦንን ባረ ቦላ ሙዜን ናጌ።

30 አያው ጎፕ፣ ኑን አ ቦላ ዲማ ዲማ አሳተፋ።

* 5:14 ሀዌ ማዝሙርያ ግዲደ አሜዳ አሳይ ጸማቅትያ ዎደ የጸትያዎ።

31 ጸሳ ማጻፋይ፤ “ሄዋ ድራው፡ ክቲማዌ ባረ ክወዋነ ባረ ዳዮ ክጊደ፡ ባረ ማቻትና እትፕ ደክና፤ ክንቲንቲ ላኡካ እት ክሹዋ ግዳና” ያጌ።

32 ሀ ጹራይ ዋልቃማ ቱማተላ፤ ሸን ታን ሀዌ ክርስቶሳባነ ዋሳ ጎልያባ ኦዴ ያጋይ።

33 ግደፕካ፡ ቃይ ክስናይ ሁጲያን ሁጲያን ማቶያ ባረ ሁጲያዳን ሲቃናዉ በሴ፤ ማቻታካ ባረ ክስና ቦንቻናዉ በሴ።

6

የሌዳዋንቱባነ የለቲዳ ናናቱዋባ

1 ናቶ፡ ሀንተና የሌዳዋንቶ ጎዳ ቦንቶያዋዳን ክዛዘትተ፤ ክያዉ ጎፕ፡ ሀዌ ኦላናዉ በሰያዋ።

2-3 “ጎዉ ኡባባይ ሎክናዳንነ ሳኣን ነ ላይላይ ክዱቃናዳን፡ ነ ክወዋነ ነ ዳዮ ቦንቻ” ግያ ክዛዘ ጸሳይ ክማና ጌዳ ሀደታና ደእያ ኮይሮ ክዛዘዋ።

4 ክዋቶ፡ ሀንተ ሀንተ ናናቱዋ ጎዳ ሴራንነ ዘርያን ድቕተፕ ክትን፡ ክንቲንታ ሀንቀላፕተ።

ጎዳቱዋባነ ክይላቱዋባ

5 ክይላቶ፡ ክርስቶሳዉ ክልያዋዳን፡ ሀንተ ጎዳቶ ያሻተላንነ ኮኮርሳን ሱረ ዋዛናፕ ክዛዘትተ።

6 ጸሳይ ጌዳዋ ክልያዋንቲዳን፡ ክርስቶሳ ክይላቱዋዳን፡ ዋዛናፕ ክላተፕ ክትን፡ ክሳ ናሽቻናዉ ክልያዋዳን፡ ክሳይ በኦ ጊደ ክላፕተ።

7 ክሳዉ ግደናን ጎዳዉ ክልያዋዳን፡ ድበናን ዋዛናፕ ክላተ።

8 ክይላ ግድና ዋይ ዋማኑዋ ግድና፡ እ ክልያ ሎኦ ኦሶ ኡባዉ ጎዳይ ሁጲያን ሁጲያን ዋይታናዋ ኤሪታ።

9 ጎዳቶ፡ ሀንተ ክይላቱዋ ናሰያዋ ክጊደ፡ ክንቲንቶ ሄዋዳን ክላተ፤ ሀንተናን ክንቲንታ ጋሐ ዋድያ ጎዳይ፡ ኦናን ማድ ፕርደናዌ፡ ሳሉዋን ደእያዋ ኤሪታ።

ጸሳ ኦላ ሚሻቱዋባ

10 ዉርስላን፡ ጎዳንነ ክ ዋልቃማ ዋልቃን ኡባ ዋደ ምንተ።

11 ጸላህያ ኢታ ጭሙዋ ተክናዉ ሀንተ ዳንዳያና ማላ፡ ጸሳይ ሀንተንቶ ክምያ ኦላ ማዩዋ ኡባ ማይተ።

5:31 ደመላ 2:24 6:1 ቆል. 3:20 6:2-3 ከሳ 20:12፤ ዛረ. 5:16
6:4 ቆል. 3:21 6:5 ቆል. 3:22-25

12 እያው ጎጥ፣ ኑን ቦላ ሳሉዋ ደእያ ኢታ አያና ዋልቃቱዋና፣ ዋድያዋንቱና፣ ጎዳተላይ ደእያዋንቱናን ሀ ጴማ ቢታ ዋድያዋንቱና ኦለትያዋጥ አትን፣ አሳና ኦለቶኮ።

13 ሄዋ ድራው፣ ኢታ ጋላሳን * ተአናውን ቃይ ወርሰላይ ጋካናው ዋቶዋጥ ጉይያን፣ ሞን ኤቃናው ህንተ ዳንዲያና ማላ፣ ጸሳ ኦላ ሚሻ ኡባ ኦይቂተ።

14-15 ሄዋ ድራው፣ ጸሳን ሳቂያ ዳንጭያዋዳን ቱማተላ ዳንጨደ፣ ትራን ዋልያ ኦላ ሚሻዳን ጽሎተላ ማዪደ፣ ህንተ ገድያን ጫማ ዋልያዋዳን ሳርተላ ሞሽራቹዋ ቃላ ኦዳናው ገጊደ፣ ሞን ኤቂተ።

16 ሄ ኡባጥ አሊደ፣ ጸላሂ የድያ ዋንዳፍያ ታማ ኡባ ቶይሳናው፣ አማኑዋ ኡባ ዋደ ጎንዳልያዳን ኦይቂተ።

17 አቶተላ ሁጲያን ዋልያ ብራታ ቆብያዳን ዋለተ፤ ቃይ ጌሻ አያና ማሻ ግዴዳ ጸሳ ቃላ ኦይቂተ።

18 ጸሳ ዋሲደን አ ማዲዋ ኦቺደ፣ ኡባ ዋደ ጌሻ አያናን ጸሳ ዋሰተ። ሄዋ ድራው፣ ሞንተ፤ ሳለቶፕተ፤ ጌሻቱዋ ኡባው ጸሳ ኡባ ዋደ ዋሰተ።

19 ቃይ ታን ያየናን ዋንጋላ ጹራ ኦዳናው፣ ጸሳይ ታ ደና ዶዪደ፣ ሃሳይያዋ እማናዳን፣ ታውካ ጸሳ ዋሰተ።

20 ታን ሀእ ቃሹዋን ደኦጥካ፣ ሀ ዋንጋላ ድራው ታን ኪተቴዳዋ፤ ታን አባ ታው በሰያዋዳን ያየናን ኦዳና ማላ፣ ታው ጸሳ ዋሰተ።

ወርሰላ ሳርታ

21 ሸን ታን ዋና ደእንቶን አያ ኦላይታንቶ ህንተካ ኤራናዳን፣ ኑ ሲቆ እሻይ፣ ጎዳ ኦሱዋን አማነቴዳ ቆማይ ትክቆሰ፣ ታዋ ኡባ ህንተንቶ ኦዳናዋ።

22 ኑን ኡባይ ዋን ደእንቶ ህንተንቶ ኦዲደ፣ ህንተና ሞንሳና ማላ፣ ታን አ ህንተኮ ኪታድ።

23 ጸሳ እወዋጥን ጎዳ የሱሰ ክርሰቶሳጥ ሳርተላይን ሲቆተላይ አማኑዋና እትጥ እሻቱዋ ኡባው ግደ፤

24 ደቼና ሲቁዋን ኑ ጎዳ የሱሰ ክርሰቶሳ ሲቅያ ኡባቱዋና ጸሳ አጵ ኬባተላይ ግድ። አመንእ።

* **6:13 ኢታ ጋላሳን**- ሀእ ደእያ ዋድያ ዋይ ሀይቁዋ ጋላሳ ዋይ ወርሰላ ፕርዳ ዋይ ሙራ ጋላሳ ግያዋ። **6:14-15** አሳ. 52:7 **6:17** አሳ. 59:17 **6:21** ኪታ 20:4፤ 2 ጽዋ. 4:12 **6:21** ቆል. 4:7-8

ጌሻ ማጻፋ

The Holy Bible in the Dawro language of Ethiopia

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c